



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

X. Confirmatio Decreti Definitorii Generalis Ordinis Fratrum Minorum S.
Francisci de Observantia Recollectorum, pro electione Præfectorum, &
Priorissarum Monialium per Provinciam Germano-Belgicam, & ...

[urn:nbn:de:hbz:466:1-74833](#)

tutæ munitis, eadem prorsus fides in judicio, & extra illud ubique locorum habeatur, quæ presentibus ipsis haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 3. Julii 1671. Pontificatus Nostri Anno Secundo.

X.

Confirmatio Decreti Definitorii Generalis Ordinis Fratrum Minorum S. Francisci de Observantia Recollectorum, pro electione Praefectorum, & Priorissarum Monialium per Provinciam Germano - Belgicam, & annexas.

CLEMENS PAPA X.

Ad futuram rei memoriam.

Exponi Nobis nuper fecit dilectus filius Ludovicus Kellen Commissarius Generalis Provinciarum Germano - Belgicarum, & annexarum Ordinis Fratrum Minorum S. Francisci de Observantia Recollectorum nuncupatorum, quod in Capitulo Generali dicti Ordinis Vallisoleti novissimè celebrato, Definitorium Generale decreta edidit tenoris, qui sequitur, videlicet.

§. 1. Præcipit Definitorium Generale, quod juxta Constitutiones generales, & proxim Religionis Ministri Provinciales Nationis Germano - Belgicæ dent liberam electionem Praefectorum, Priorissarum, vel quocumque nomine nuncupatarum in omnibus Monialium Monasteriis, idque singulis trienniis, quod decreta Constitutionibus fel. record. Leonis X. Sixti V. & Urbani VIII. Romanorum Pontificum Prædecessorum Nostrorum, nec non Litteris recol. mem. Clementis Papæ IX. Prædecessoris pariter Nostri in simili forma Brevis die 20. Martii 1668. expeditis conforme est, eique insuper accessit decretum, seu mandatum Venerabilis fratris Nostri Francisci Episcopi Ostiensis S. R. E. Cardinalis Barberini nuncupati dicti Ordinis apud Nos, & Sedem Apostolicam Protectoris, sub infrascripto tenore, videlicet.

§. 2. Attentis narratis prævia revocatione suppressoriorum alias à Nobis obtenta, servari Constitutiones, & Statuta Ordinis, & Sacrae Congregationis Decreta, atque ad eorum præscriptum procedi ad electionem Abbatissæ, aliarumque Praefectorum etiam decernimus, & mandamus, in contrarium non obstantibus quibuscumque. In quorum &c. Datum Romæ in Palatio Cancellariae Apostolicae hac die 30. Aprilis 1671. F. Cardinalis Barberinus Protecto, & infra Joannes Baptista de Palacio Auditor.

§. 3. Cum autem sicut eadem expositio subjungebat, ut præinserta Decreta in tota Natione exactius serventur, & inviolabiliter ab omnibus observentur, & ne ullæ postmodum contentiones oriri possint, sed Decreta ipsa in omnibus Monialium tam Clarissarum, Urbanistarum, & Colletanarum, quam quovis alio nomine nuncupatarum Monasteriis Nationis præfata exactissimè ad usum deducantur, prædictus Ludovicus Commissarius Generalis eadem Decreta Apostolica confirmationis Nostre patrocinio communiri, ac Ministris Provincialibus, & cunctis Monialibus præfatis, ut in omnibus dictarum Nationis Conventibus, seu Monasteriis Decretis hujusmodi se conforment, illaque executioni mandent sub poenis arbitrio nostro, seu Congregationis Venerabilium Fratrum Nostrorum ejusdem S. R. E. Cardinalium negotiis, & consultationibus Episcoporum, &

Regularium præpositæ infligendis præcipi, ut que illi soli, & non alii electionibus intersint, qui de more, ac juxta usum, & proxim Nationis præfatae interesse consueverunt, ne ullæ insolita postmodum novitates cum notabilis turbatione regiminis introduci, aut attentari possint, mandari, perpetuumque quibuscumque contradicentibus silentium imponi summoperè desiderant.

§. 4. Nos ipsum Ludovicum Commissarium Generalem specialis favore gratia prosequi volentes, & à quibuscum excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa lati, si quibus quomodo libet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliiter porrectis inclinati, de memoratorum Cardinalium, qui dilectum filium Commissarium Curia Ordinis præfati audirent consilio, attentis narratis, enarrata Decreta Francisci Episcopi Cardinalis, & Protectoris ac Definitorii Generalis præfatorum, ut supra petitur, auctoritate Apostolica tenore præsentium confirmamus, & approbamus, illisque inviolabilis Apostolicae firmitatis robur adjicimus, salva tamen semper in præmissis auctoritate præfatae Congregationis Cardinallium.

§. 5. Decernentes easdem præfentes Litteras semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis, ad quos spectat, & pro tempore spectabit in omnibus, & per omnia inviolabiliter observari. Sicque in præmissis per quoscumque Judices ordinarios, & Delegatos, etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, ac quatenus opus sit Nationis, ac Provinciarum, & Monasteriorum, seu Conventuum hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodo libet concessis, confirmatis, & innovatis.

§. 7. Quibus omnibus, & singulis illorum tenores pro plenè, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expressè derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 24. Novembris 1671. Pontificatus Nostri Anno secundo.

Confirmatio
decretorum
à Sanctitate
Sua.

Extensio Indulgentiæ concessæ Ecclesiæ Fratrum, ac Monialibus Excalceatorum Ordinis Beate Mariae de Mercede Redemptionis Captivorum ad omnes ejusdem Ordinis Calceatorum, ubique etiam in futurum existentes in die festo S. Petri de Nolasco.

CLEMENS PAPA X.

Ad perpetuam rei memoriam.

Arias Nos omnibus, & singulis utriusque sexus Christifidelibus verè pénitentibus

& con-

XL